

ՄԱՐՏԻ 3-Ը ՄԱՅՐԵՐԻ ՕՐՆ Է

ՏՈՆԴ ՇՆՈՐՀԱՎՈՐ, ՍՎԵՏԼԱՆԱ ՅՈՌ ՉԱՎԱԿԻ ՄԱՅՐ ԵՎ ՀԻՆԳ ԹՈՌՈՍ ՏԱՏ ՈՒ ԸՆԴԱՄԵՆԸ...



Հիմա երեւի պատկերացրեցիք պատկառելի հասակուն ապրող երջանիկ ամուսինների, որ վայելում են իրենց վարուցանած այգու քաղցրահամ բերքը: Մասամբ, չեք սխալվում: Քանի որ իսկապես, ամսահմա՞ն երջանիկ են, քանի որ այժմ արդեն իսկապես վայելում են, բայց ահա տարիքի հարցում, կարծում են, սխալվում եք: Որովհետեւ ընտանիքի մայրը, Սվետլանա Ջաքարյանը, ընդամենը 42 տարեկան է: Շատ կենսուրախ, համգիստ ու հմայիչ անձնավորություն...

- Ա՛յ, այս սեղանի շուրջ, որ հավաքվում, 16 հոգի ենք դառնում: Քիչ առաջ թոռնիկներին էլ ճանապարհեցի,- ուրախ-ուրախ պատմում է Սվետան, երբ ես, անկոչ հյուրս, ժամը 21:00 անց եկել էի հարցազրույցի (պատրաստելու էի մեր երկրում մարտի 3-ին տոնվող Մայրերի օրվա վերաբերյալ մյուսը): Իսկ նա, հոգաբարձու առօրյայից ընդհանրապես չհոգնած, ամենայն անկեղծությամբ, սիրալիկ ու անտրտուն ընդունել էր ինձ, նորից սեղան գցել ու ասես նոր ամուսնացած ու դեռ նոր մայրացած կնոջ նման պատրաստվել զրույցի: Այնինչ, ամուսնացել էր նա 16 տարեկան հասակում, առաջին անգամ մայրացել 26 տարի առաջ: Որդիներից երկրորդը, դեռ մի քանի ամսեկան լքել էր մեր աշխարհը, ինչպես Սվետան ինքն էլ ասում, Աստծու մոտ գնացել: Բայց հուսառատ մայրիկը շարունակել էր մեկը մյուսից գեղեցիկ բալիկների լույս աշխարհ բերելու շնորհակալ առաքելությունը: Մայրության բերկրանքն ամեն անգամ նորովի էր զգացել, մինչև ամենափոքրիկի, Թիլիսիի թիվ 104 դպրոցի առաջին դասարանի սան Մարիամիկի ծնունդը: Իսկ ընդամենը 38 տարեկանում Սվետան «արժանացել էր» նոր «կոչման», ասել է թե՛ տառիկ էր դարձել: Հիմա ավագ թոռնիկը Մարիամիկի հորաքույրից փոքր է մեկ տարով: Դժվար է ասել նաեւ, թե երկար կմնա, արդյո՞ք, Մարիամիկը ամենակրտսերի կարգավիճակում...

- Եթե Աստծու կամքն է, նորից կմայրանամ, - հաստատեց Սվետան,- ամենեւին, որեւէ աղանդի հետեւորդ չեմ, մենք Հայ Կաթողիկե եկեղեցու համավարկոր ենք եւ ես, դեռ հայրական ու այժմ իմ տանը, բարեխիղճ քրիստոնյայի նման ու աստվածաշնչյան պատվիրաններին հավատարիմ եմ մեծացել, ապրում եւ դաստիարակում իմ բալիկներին: Երեխաները գիտեն, եթե հայրիկն ու մայրիկը մույնիսկ իրենց սխալը չեն տեսնում, ապա Բարձրյալն անպայման ակամատեսք կդառնա: Շատ անգամ հենց այդ համոզումն է նրանց հեռու պահում սխալ քայլերից: Ավանդապաշտ ենք նաեւ ու ժողովրդական հայտնի ասույթի նման, ես ու ամուսինս պահում ենք մեր օջախը. նա դրսի, ես՝ ներսի պատ դառնալով:

Սվետան հարս է եկել Հայաստանի Կալինինոյի շրջանից: Հենց սկզբից, ամուսնու՝ Գեւորգի հետ բնակություն հաստատել մայրաքաղաքի արվարձաններից՝ Դամպալո կոչվող թաղամասում, խրճիթի նմանվող շա՛տ փոքրիկ տան մեջ: Ու ընդամենը մեկ տարի ապրել տան մեծերի հետ: Հետո երեխաների խնամքն ամբողջովին ընկել է դեռատի կնոջ փափուկ, բայց իրականում ամուրից էլ ամուր ուսերին: Տնակն, ուր ապրել են, ընդամենը երկու սենյակ է ունեցել, որի յուրաքանչյուր անկյունում մեկ դույլ է եղել դրված՝ կտուրից ծորացող անձրեւաջրի դեմ: Տունը մույնիսկ հիմք չի ունեցել: Աշխատանքին զուգահեռ անասնապահությամբ են զբաղ-

վել, հող մշակել, մրգատու այգուց օգտվել: Այդպես ապրել են մինչեւ հինգերորդ երեխայի ծնունդը: Մինչեւ, հավանաբար արժանիի հատուցումը, մինչեւ հիմ տան տեղում այս նորի, իսկայական բակ ունեցող եռահարկ հրաշալի տան դեռես ընթացքի մեջ կառուցումը, որի մաքրությունն ու կոկիկությունը միշտ ապահովում է Սվետա անուշով ժրաջան մեղուկ:

- Մայրանալուց հետո ամեն ինչ մոռանում ես,- ասում է նա,- առաջնահերթորեն ինքը քեզ, համենայնդեպս մի քանի տարի դու պատասխանատու ես նրա կյանքի, նրա արարքների համար, ով քո կարիքն ունի: Իսկ ես առանց որեւէ պարտադրանքի հստակ գիտակցում եմ, որ տան տնտեսուհի, կին ու մայր լինելը իմ առավելությունն ու առաքելությունն է: Ինձ համար կնոջ ամենամեծ շնորհը ոչ միայն մայրանալն է, այլեւ ծնելիության այդ գործընթացին հաջորդող մայրական խնամքը, գուրգուրանքը, պատասխանատվությունը:

Առավոտյան վեցից շուտ է արթնանում: Լինում է այնպես, որ ընդհանրապես չի քնում. մեկը բանակ պիտի գնա, մյուսը՝ դպրոց, երրորդն՝ աշխատանքի, չորրորդը՝ ուսումնարան, հինգերորդը դեռ նոր պիտի քնից արթնանա... Պետք է բոլորին ճանապարհել, տեղավորել, կերակրել, տունը կարգի բերել, ճաշ եփել, թեկուզ հյուր ընդունել... երբեք չի տրտնջում, ասում է դա բացասաբար է ազդում տան մթնոլորտի վրա, եւ որի պատճառով տունը հաստատ կռիվ է ընկնում: Ոչ էլ զլանում է, ասում է, երեւի կոփվել եմ:

- Հետո, գիտե՞ս,- շարունակեց նա,- ամեն մի երեխա իր հետ մեկ այլ տիպի ուրախություն է բերում, օգնում մյուսին պահել: Չնայած, ես չեմ պարտադրում, միաժամանակ ուրախանում եմ, որ փոքրին խնամելու ցանկությամբ են լցվում: Երբ մտերիմներս հարցնում են, թե ո՞նց եմ, պատասխանս մույնն է՝ բոլորից էլ լա՛վ: Հետո, ինքնաբերաբար այդպես էլ ստացվում է: Ես շնորհակալ եմ Աստծուն իմ զավակների համար,- հուզմունքը համակեց նրան: - Նրանց գոյությունը, առողջ կեցվածքը, գուրգուրանքն ու հոգատարությունը իմ, հայրիկի հանդեպ, նրանց ազնիվ ու կարգապահ մարդ լինելու ցանկությունը, իմ ամենամեծ նվաճումն են, ամենախոսուն երջանկությունս:

Ես լսում էի Սվետային ու մոռացած լրագրողիս հարցերը, պարզապես դասեր քաղում՝ որպես կին, որպես մայր, որպես հարս, մի կնոջից, ում բարձրագույն կրթությունը՝ կյանքն էր, մասնագիտությունը՝ Մայրությունը: Ես միայն առողջություն մաղթեցի նրան, որպեսզի երկա՛ր ու երջանի՛կ ապրեր իր իսկ նախընտրած եւ ոչ թե պարտադրված կյանքը: Շնորհավոր տոնդ, Սվետա, շնորհավոր բոլոր մայրերի տոնը, եւ մասնավորապես նրանց, ով այս պահին ընթերցում է մեզ:

ԳԱՅՆՆԵ ՔՈՍՏԱՆՉՅԱՆ

ԿՐԹԱԿԱՆ

ՆԵՐԴՐՎՈՒՄ Է ՈՒՍՈՒՑԻՉՆԵՐԻ ՄԱՍՆԱԳԻՏԱԿԱՆ ԶԱՐԳԱՑՄԱՆ ՆՈՐ ՄԻՆԵՄԱ

Վրաստանի կառավարությունը հաստատել է պետական հանձնաժողովի կողմից հռչակված ուսուցիչների մասնագիտական զարգացման եւ պաշտոնական առաջադիմության մոր սխեման:



Վրաստանի կրթության եւ գիտության նախարար Թամար Սանիկիձեն, ներկայացնելով ուսուցիչների մասնագիտական զարգացման մոր սխեման, նշեց, որ այն նախատեսում է ուսուցիչների բազմակողմանի նախապատրաստություն: Սխեմայում արտացոլվել է համալսարանական ծրագիրը, որն ուղղված է մասնագիտական որակավորման բարձրացմանն ու պաշտոնավարման առաջընթացին:

«Սխեմայի հիման վրա մշակվել է ուսուցիչների մասնագիտական նախապատրաստման բարձրագույն կրթության ծրագիրը: Մինչ օրս,

գոյություն չունեւ մանկավարժների նախապատրաստման եւ գնահատման հետեւողական միասնական համակարգ: Իսկ նոր համակարգը շահագրգռում է երիտասարդներին ոչ միայն մանկավարժությանը զբաղվել, այլեւ ծառայում է մանկավարժի հեղինակության բարձրացմանը: Պետությունը պատրաստ է ֆինանսական որոշակի ռեսուրսներ ներդնել մանկավարժների մոր կարգերի նախապատրաստման գործուն»,- հայտարարեց կրթության նախարարը:

Սխեմայի շրջանակներում բավականին զործառույթներ են փոխանցվում դպրոցներին, ինչը արտահայտվելու է կրթօջախների ինքնավարության մակարդակի բարձրացման մեջ:

Թամար Սանիկիձեի խոսքերով, հաշվի առնելով սխեմայի մասշտաբայնությունը, 2015-2016 թվականներին այն կկիրարկվի պիլոտային պայմանակարգով: Թեպետ այդ ընթացքում ուսուցիչների ձեռքբերումները կպահպանվեն, եւ դրանք ազդեցություն կգործեն նրանց պաշտոնական առաջադիմության վրա:

Նախարարի հավաստմամբ, մոր սխեմայի ներդրումը հնարավորություն կտա բարձրացնել կրթօջախներում դասավանդման մակարդակը, երկիրը կստանա առավել նախապատրաստված մանկավարժական կադրեր:

ԿԱՐԻՆԵ ՄԱՆՈՒԿՅԱՆ

ԿՐԹՕՋԱՆ

ՆԻՆՈՇՄԻՆԴԱ ՔԱՂԱՔԻ ՀԻՆ ՈՒ ՆՈՐ 150-ԱՄՅԱ ԴՊՐՈՅԸ

2014-2015 ուսումնական տարին կրկնակի հորեյանական է մեր մայր դպրոցի՝ Նինոծմինդայի թիվ 1 հայկական կրթօջախի համար: Լրանում է հիմնադրման 150 եւ միջնակարգ որակավորման 80-ամյակը:

Հորեյանական տարվա ընթացքում նախատեսված տոնական միջոցառումների հարուստ շարքը մեկնարկեց: Դպրոցի անգլերենի ուսուցչուհիներ Գոհար եւ Լաուրա Վարդանյանների նախաձեռնությամբ անցկացվեց բովանդակալից միջոցառում: Ներկա էին դպրոցի մանկավարժներ, շրջանավարտներ, ծնողներ, վետերաններ, աշակերտներ:



Վրաստանի օրհներգի հնչյունների ներքո՝ դպրոցի ծոներգով ազդարարվեց միջոցառման մեկնարկը: Ռուբեն Վարդանյանը հանգամանորեն ներկայացրեց կրթօջախի հիմնադրման պատմությունը, որը սկսվում է 1865 թվականից, երբ ներկայիս Սուրբ Սարգիս եկեղեցու տեղում՝ փայտաշեն եկեղեցուն կից գործել է եկեղեցական-ծխական դպրոց՝ մեկ ուսուցիչ, 11 աշակերտ: Նրա բազայի վրա էլ 1922 թվականին ստեղծվել է խոջաբեկի տարրական, իսկ 1930-ից՝ ութամյա դպրոցը: 1935-ից դարձել է միջնակարգ՝ առաջինը տարածաշրջանում: 1936-37 ուսումնական տարում խոջաբեկի հայկական միջնակարգ դպրոցը թողարկել է առաջին շրջանավարտներին: 1938 թվականից շահագործման է հանձնվել ներկայիս երկհարկանի շենքը՝ շրջկենտրոնում, ուր տեղափոխվել է խոջաբեկի միջնակարգը եւ վերանվանվել Բոգդանովկայի (այժմյան Նինոծմինդայի) հայկական միջնակարգ դպրոց: 40-ականների կեսերից մինչեւ 1965 թվականը դպրոցն ունեցել է ռուսական բաժին, որի հիման վրա էլ ստեղծվել է Նինոծմինդայի ներկայիս ռուսական միջնակարգ դպրոցը:

150-ամյա դպրոցը տվել է ավելի քան 4 հազար շրջանավարտ՝ 90 ոսկե եւ արծաթե մեդալակիրներով: Մոտ 1000-ը ստացել են բարձրագույն կրթություն, եղել են գիտությունների դոկտորներ եւ թեկնածուներ:

Դպրոցի ամբողջ պատմության ընթացքում ուսումնադաստիարակչական աշխատանքներ

րով զբաղվել են 11 տնօրեն, 16 փոխտնօրեն, շուրջ 400 ուսուցիչներ... Ներկայումս դպրոցում աշխատում է 50 մանկավարժ, սովորում՝ 351 աշակերտ, որոնցից 38-ը՝ առաջին դասարանում: Դպրոցն ունի նաեւ Կենցաղ ծառ՝ 150 տերեւներով, որոնց վրա գրված են նրա պատմությունը կերտած վաստակաշատ մանկավարժների անունները, եւ կան տերեւներ, որոնց վրա դեռ գրվելու են մվիրյալների անուններ...

Բեմում իրար էին հաջորդում 8-րդ դասարանի (դասղեկ՝ Օֆելյա Ղարսյան) սաների՝ Սյուզաննա Էլոյանի, Անի Սանոսյանի, Ռուբեն Սարգսյանի, Վարազդատ Դարբինյանի եւ մյուսների ելույթները հայերեն, վրացերեն, անգլերեն լեզուներով: Այս ամենին զուգահեռ ցուցադրվեցին դպրոցի կյանքին նվիրված հետաքրքիր ու հիշարժան լուսանկարչական ու տեսաձայնագրային դրվագներ՝ հյուսված վաստակած հանգստի անցած մանկավարժներ Բուրաստան Հանեսյանի, Ռոզա Բայրամյանի, Հայաստան Խողիկյանի, Չոյա Աբելյանի հուշերից: Միջոցառման ավարտվեց դպրոցի տնօրեն Տիգրան Պողոսյանի ելույթով:

- Շնորհավորում եմ մեր բոլոր ժամանակների սաներին եւ ուսուցիչներին: Մենք հիրավի հպարտանալու մեծ առիթ ունենք՝ մեր դպրոցով եւ նրա հարուստ պատմությունով,- ասաց նա՝ հորդորելով աշակերտներին լավ սովորել եւ է՛լ ավելի բարձրացնել դպրոցի հեղինակությունը:

ԼՈՒԻՍԵ ՎԱՐԴԱՆՅԱՆ


Ք.Նինոծմինդա

Գալիլեյի անվիճելից զգալու:

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՄՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴԸ ՔՆՆԱՐԿԵՅՑ ԺԵՂԱՍՊԱՆՈՒԹՅԱՆ 100-ԱՄՅԱԿԻ ԱՌԹՎ ԻՐԱԿԱՆՍՈՎԵԼԻՔ ՄԻՋՈՑԱՌՈՒՄՆԵՐԻ ՀԱՐՅՈՎ



Մայր Աթոռ Սուրբ Էջմիածնում, Ն.Ս.Օ.Տ.Տ. Գարեգին Բ Ծայրագույն պատրիարք եւ Ամենայն Հայոց կաթողիկոսի նախագահությամբ, փետրվարի 24-26-ը գումարվել է Գերագույն հոգեւոր խորհրդի ժողով՝ ընդլայնված կազմով:

Ժողովին Գերագույն հոգեւոր խորհրդի անդամներն անդրադարձել են ապրիլի 22-24-ը Հայաստանում եւ Մայր Աթոռում կազմակերպվելիք Սրբադասման արարողությանը եւ ոգեկոչման միջոցառումներին: Քննարկվել են ապրիլի 22-ի Հսկման արարողության, ապրիլի 23-ի Ար. Պատարագի եւ Սրբադասման արարողության հետ կապված կազմակերպչական հարցեր, տեղեկություններ են փոխանցվել սրբապատկերի եւ մասնատուփի պատրաստման, շարականի կանոնի բազմաձայնման գործընթացի մասին, ինչպես նաեւ

հիշատակի այլ արարողություններին Հայ եկեղեցու մասնակցությամբ վերաբերյալ: Նշվեց, որ ապրիլի 22-24-ի արարողություններին կմասնակցեն 38 եկեղեցիների, միջեկեղեցական եւ էկումենիկ կառույցների ու միջկրոնական կազմակերպությունների շուրջ 70 ներկայացուցիչներ, որոնց թվում դավանակից չորս եկեղեցիների եւ երեք Ուղղափառ եկեղեցիների պետեր, էկումենիկ կառույցների ու նախագահների եւ գլխավոր քարտուղարներ, Ուղղափառ, Կաթոլիկ, Անգլիկան եւ Բողոքական եկեղեցիների պատվիրակություններ, եկեղեցականներ Ռուսոդայից եւ Դարձուրից: Արարողություններին կմասնակցեն նաեւ ներկայացուցիչներ աշխարհասփյուռ բոլոր հայոց թեմերից:



Գոհունակություն հայտնելով կատարված աշխատանքների համար՝ Գերագույն հոգեւոր խորհուրդը համձնարարել է նույն նախաձեռնողությամբ շարունակել նախատեսվող արարողությունների պատշաճ կազմակերպումը:

2015 ԹՎԱԿԱՆԻ ՀԱՄԱՐ ԿԱՆԽԱՏԵՍՎՈՒՄ Է 0,4-2 ՏՈՒՆՍ ՏՆՏԵՍԱԿԱՆ ԱՃ

Կենտրոնական բանկը Հայաստանի տնտեսական աճը 2015թ. գնահատում է 0,4-2 տոկոս միջակայքում՝ պայմանավորված արտահանելի հատվածի աշխուժացմամբ:

ԿԲ «Գնաճի հաշվետվության» համաձայն՝ կանխատեսվող հորիզոնում տնտեսական աճը աստիճանաբար կնոստենա իր երկարաժամկետ հավասարակշիռ մակարդակին՝ պայմանավորվելով մասնավոր սպառման աճի տեմպերի արագացմամբ եւ մասնավոր ներդրումների դանդաղ տեմ-

պերով վերականգնմամբ:

Կենտրոնական բանկը հայտնում է, որ 2014թ. չորրորդ եռամսյակում պահպանվել է ներքին ցածր պահանջարկ, որի մասին են վկայում մասնավոր սպառման նվազումն ու ներդրումային թույլ ակտիվության պահպանումը՝ հիմնականում պայմանավորված

արտերկրից եւ հատկապես ՈՂ-ից ստացվող դրամական փոխանցումների զգալի կրճատմամբ: Արդյունքում գնահատվում է, որ 2014թ., նախորդ տարվա համեմատ, մասնավոր սպառման ուղղված ծախսերը կմնան անփոփոխ, իսկ մասնավոր ներդրումները կնվազեն 0,6 տոկոս:

Առաջարկի տեսանկյունից տնտեսական աճի դանդաղումը այս եռամսյակում եւս պայմանավորվել է արդյունաբե-

րության ճյուղի ու ծառայությունների, մասնավորապես՝ առևտրի ոլորտի թողարկման ծավալների ցածր աճով եւ շինարարության ճյուղում շարունակվող բացասական զարգացումներով: Ի տարբերություն նշված ճյուղերի, գյուղատնտեսության ճյուղի զարգացումը եղել է կանխատեսվածին համահունչ: Արդյունքում ակնկալվում է, որ 2014 թվականին տնտեսական աճը գտնվել է 3,2-3,5 տոկոսի շրջանակում:

ՉՈՐԱԿՈՉՈՒՄԻՅ՝ ԽՈՒՍԱՓԱՏՆԵՐԸ ԿԱԶԱՏԵՆ ՔՐԵԱԿԱՆ ՀԵՏԱՊԵՂՈՒՄԻՅ՝

Հայաստանի կառավարության որոշմամբ զինվորական ծառայությունը չանցած եւ 27 տարին լրացած անձինք կազատվեն քրեական հետապնդումից եւ կվճարեն միայն տուգանք: Այդ նպատակով կառավարությունը կատարեց օրենսդրական փոփոխություն:

Հայաստանի սփյուռքի նախարար Հրա-նուշ Հակոբյանը նշեց, որ «Զինապարտության մասին» ՀՀ օրենքի խախտմամբ պարտադիր զինվորական ծառայության զորակոչից խուսափած ու 27 տարին լրացած ՀՀ քաղաքացիները, խուսափելով քրեական հետապնդումից, չեն վերադառնում Հայրենիք: «Այդ քաղաքացիների

նկատմամբ հարուցված քրեական հետապնդումը դադարեցնելու նպատակով արդեն հերթական անգամ օրենսդրական փոփոխություն է կատարվում, որն էլ մեծ խթան է հանդիսանում հազարավոր երիտասարդների վերադարձը Հայրենիք ապահովելու գործում»,- ասաց Հրանուշ Հակոբյանը:

«Սահմանված կարգի խախտմամբ պարտադիր զինվորական ծառայություն չանցած քաղաքացիների մասին» ՀՀ օրենքի գործողության ժամկետի երկարաձգումը 2013 թվականի դեկտեմբերի 1-ից մինչ 2014 թվականի դեկտեմբերի 31-ը հնարավորություն է տալիս 27 տարին լրացած, պարտադիր զինվորական ծառայությունից խուսափած քաղաքացիներին սահմանված ժամկետում մուծել համապատասխան վճարը, վերադառնալ Հայրենիք եւ ազատվել քրեական հետապնդումից:

ՊԵՏԱԿԱՆ ԴԻՊԼՈՄ՝ ՈՉ ՊԵՏԱԿԱՆ ԲՈՒՇԵՐԻ ՇՐՋԱՆԱՎԱՐՏՆԵՐԻՆ

Հայաստանի կրթության եւ գիտության նախարար Արմեն Աշոտյանը հրաման է ստորագրել «Ոչ պետական բարձրագույն ուսումնական հաստատությունների նախորդ տարիների շրջանավարտների պետական մոնիթինգի հիմունքները կազմակերպման եւ անցկացման» ընթացակարգը հաստատելու վերաբերյալ:

Հայաստանի ոչ պետական բարձրագույն ուսումնական հաստատությունների նախորդ տարիների շրջանավարտների (ներառյալ 2015/2016 ուստարվա) պետական մոնիթինգի հիմունքները ստանալու համար ամփոփիչ

ատեստավորման քննությունների մասնակցելու նպատակով, 2015թ. մարտի 10-ից մինչեւ ապրիլի 15-ը (ներառյալ) Հայաստանի կրթության եւ գիտության նախարարությունում կազմակերպվում է դիմորդների

փաստաթղթերի ընդունելություն:

Դիմորդները դիմում-հայտի հետ միասին պետք է ներկայացնեն ավարտական փաստաթղթի (դիպլոմի) բնօրինակը՝ պատճենի հետ միասին, ներդիրի (միջուկի) բնօրինակը՝ պատճենի հետ միասին, ամօր հաստատող փաստաթղթի (անձնագիր, նույնականացման քարտ, զինգրքույկ, փախտականի վկայական, ՀՀ հատուկ անձնագիր, կացության վկա-

յական) բնօրինակը՝ պատճենի հետ միասին եւ 2 լուսանկար (3X4սմ չափսի):

Ըստ մասնագիտությունների (մասնագիտացումների) ամփոփիչ ատեստավորման քննությունները կազմակերպվելու են 2015թ. մայիս-հունիս ամիսների ընթացքում:

Փաստաթղթերն ընդունվելու են Հայաստանի կրթության եւ գիտության նախարարությունում 2015թ. մարտի 10-ից մինչեւ ապրիլի 15-ը:

ԵԶՐԻՆԵՐԻ ՀԱՄԱՅՆՔԸ ՀԱՅԱՍՏԱՆԻ ԱԺ-ԻՆ ԴԻՄԵԼ Է ԻՐԵՆՅՆ ԵԿԱՏԵՍԱՐԻ ԻՐԱԿԱՆՍՈՎԱԾ ԲՈՒՆՈՒԹՅԱՆ ՓԱՍՏԵՐԻ ԴԱՏԱՊԱՐՏՄԱՆ ՊԱՇԱՆՁՈՎ

Փետրվարի 25-ին Հայաստանի ԱԺ փոխնախագահ Էդուարդ Շարմազանովը հանդիպում ունեցավ Հայաստանում եզդիական համայնքի մի շարք անդամների հետ:

Հանդիպման առաջնություն եղել է տարբեր ազգերի նկատմամբ իրականացված ոճրագործությունների դատապարտման վերաբերյալ հարցը:

Էդուարդ Շարմազանովը մեկ անգամ եւս դատապարտեց Հյուսիսային Իրաքում եզդի ժողովրդի նկատմամբ ամիսներ առաջ իրականացված զանգվածային բռնությունները, նկատելով, որ այդ մասին ՄԱԿ-ի բարձր ամբիոնից խոսել եւ տեղի ունեցած բռնությունները դատապարտել է Հայաստանի նախագահ Սերժ Սարգսյանը: Եզդիական համայնքի ան-

դամներն իրենց հերթին բարձր են գնահատել երկրի նախագահի ելույթը ՄԱԿ-ի գլխավոր ասամբլեայում:

Քննարկման ընթացքում համաձայնություն է կայացվել Հայաստանի Ազգային ժողովում առաջիկայում կազմակերպել լուսանկարների ցուցադրություն, որը կներկայացնի Հյուսիսային Իրաքում եզդի ժողովրդի նկատմամբ իրականացված զանգվածային բռնությունները: Բացի այդ՝ կստեղծվի աշխատանքային խումբ, որը կզբաղվի եզդիների



նկատմամբ տարբեր ժամանակներում իրականացված բռնությունների եւ պատմական փաստերի ուսումնասիրությամբ:

ԱԺ փոխնախագահ Էդուարդ Շարմազանովի խոսքով՝ 2015 թվականից սկսվում է ցեղասպանությունների դատապարտման նոր փուլ:

ԿՍՏԵՂՈՎԻ ԿՈՌՈՒՊՑԻԱՅԻ ՂԵՍ ԴԱՅՋԱՐԻ ԽՈՐՀՈՒՐԴ

Հայաստանի կառավարության որոշմամբ Հայաստանի վարչապետի գլխավորությամբ կազմավորվել է կոռուպցիայի դեմ պայքարի խորհուրդ, որի նպատակը կոռուպցիոն ռազմավարության, դրա հիման վրա մշակված տարբեր ծրագրերի, միջոցառումների քննարկումն ու անցկացումն է:

Խորհրդի կազմում ընդգրկվելու են նաեւ ընդհիմադիր խմբակցությունների պատգամավորներ, ինչի համար Կառավարությունը նամակով դիմելու է ԱԺ նախագահին, իսկ վերջինս էլ նամակով դիմելու է խմբակցություններին անդամ առաջարկելու համար:

ԿԱՌԱՎԱՐՄԱՆ ՀՊԵՏԱՐԻ ՄԱՍԻՆ ՀԱՅՏԱՐԱՐՈՒԹՅՈՒՆԸ ՄԵՐՈՎԵՅ

Հայաստանի Ազգային ժողովը քվեարկությամբ մերժեց «Հայաստանի Հանրապետությունում առաջացած կառավարման ձգնաժամի մասին» ԱԺ հայտարարության նախագիծը: Նախագիծն կողմ քվեարկեց 16, դեմ՝ 67, չեռնպահ՝ 6 պատգամավոր:

Քվեարկությանը չի մասնակցել ԲՀԿ խմբակցությունը, որը շարունակում է բոյկոտել ԱԺ քառօրյան:

ՆԱՐԱ ԵՒՎՊՅԱՆԸ՝ 80 ՏԱՐԵԿԱՆ

Փետրվարի 23-ին Հայաստանի նախագահ Սերժ Սարգսյանը հեռախոսազրույց է ունեցել հեռուստահաղորդավար Հայաստանի ժողովրդական արտիստ Նարա Ըլեպչյանի հետ՝ շնորհավորել նրան ծննդյան 80-րդ արարելարի առթիվ: Հայաստանի նախագահը նաեւ շնորհավորական ուղերջ է հղել Նարա Ըլեպչյանին:



ԳՐԻԳՈՐ ՆԱՐԵԿԱՅԻՆ՝ «ԵՎԵՂԵՅՈՒ ՈՒՍՈՒՑԻՔ»

Հռոմի Ֆրանցիսկոս պապը «Եկեղեցու ուսուցիչ» կոչում է շնորհել հայ միջնադարյան հոգեւորական, աստվածաբան, բանաստեղծ եւ փիլիսոփա Գրիգոր Նարեկացուն: «Այս մասին տեղեկացնում է Vatican Radio-ն: Մինչ Մեծ պահքի համար Արիկա քաղաք մեկնելը՝ Հռոմի պապը Վարդիկանի Սրբերի միաբանության ղեկավար, կարդինալ Անգելո Ամատունիի հետ հանդիպման ժամանակ հաստատել է պատմությունը դարի հայ սրբին համընդհանուր եկեղեցու տիրույթում շնորհելու առաջարկությունը:

2016-Ը՝ ԳՐԱԿԱՆՈՒԹՅԱՆ ՏԱՐԻ

Հայաստանի գրողների միության նախագահ Էդվարդ Միլիտոնյանը առաջարկում է 2016 թվականը Հայաստանում հայտարարել Գրականության տարի: «Գալիք տարին Հայաստանում հայտարարելով Գրականության տարի՝ հնարավորություն կստեղծենք մեր դասական եւ ժամանակակից գրողների աշխատանքները ավելի լայն ներկայացնելու հանրությանը տարբեր լեզուներով, ընդարձակել գրադարանական ծրագրերը, ինչպես նաեւ իրականացնել գրական այլ տիպի միջոցառումներ»,- նշեց Էդվարդ Միլիտոնյանը: Նա նշեց նաեւ, որ այն կօգնի ընդարձակել ընթերցանության դաշտը, կրկին անդրադառնալ գրադարանների եւ այլ մշակութային հաստատությունների վիճակի բարելավմանը, որպեսզի մարդիկ ավելի շատ կարողանան կարդալ, ցանկություն ունենան հանդիպելու գրողներին, եւ հեռուստատեսային եւ ռադիո-դաշտը միավորվեն լինի ավելի շատ անդրադառնալու արդի գրողների աշխատանքներին:

ԳՈՒՐՄԻ ՈՒ ԵՎՐՈՆ ԷԾԱՆԱՅԵԼ ԵՆ

Հայաստանի Կենտրոնական բանկի հրապարակած փոխարժեքների համաձայն՝ փետրվարի 19-ին ԱՄՆ դոլարի փոխարժեքը նվազել է 0.32 դրամով՝ կազմելով 479.16 դրամ: Եվրոյի փոխարժեքը նվազել է 0.18 դրամով եւ կազմել 545.95 դրամ: ՌԴ ռուբլու փոխարժեքն աճել է 0.07 դրամով՝ կազմելով 7.74 դրամ: Բրիտանական ֆունտի փոխարժեքը աճել է 0.32 դրամով եւ կազմել 740.35 դրամ:

ԵԿԵՂԵՑԱԿԱՆ

01.03.2015. Անառակի կիրակի
Հայաստանյայց Առաքելական Սուրբ Եկեղեցին ապաշխարության եւ պահքի մի գեղեցիկ շրջան է սահմանել հավատացյալների համար, որի կիրակիներից յուրաքանչյուրն իր անվանումն ունի Աստվածաշնչի որեւէ պատմությանը համապատասխան: Մեծ Պահքի երրորդ կիրակին կոչվում է Անառակի, ըստ Ղուկասի Ավետարանում հիշատակվող անառակ որւ մասին պատմող առակի:

ՄԱՐՏ



07.03.2015. Սրբոցն Երուսաղեմի Հովհաննի Հայրապետի, հայոց Հովհաննես Օձնեցի Հայրապետի, Հովհան Որոտնեցի եւ Գրիգոր Տաթևացի վարդապետների հիշատակության օր
Սեծ Պահքի երրորդ շաբաթ օրը Հայաստանյայց Առաքելական Եկեղեցին տոնում է Հայ Եկեղեցու նշանավոր աստվածաբան-եկեղեցականների՝ Հովհան Օձնեցի Հայրապետի, Հովհան Որոտնեցի եւ Գրիգոր Տաթևացի վարդապետների հիշատակության օրը:

ԷԼԵԿՏՐԱԷՆԵՐԳԻԱ



ԿԱՌՈՒՅՎՈՒՄ ԵՆ ՀՈԴՄԱՆԷԼԵԿՏՐԱԿԱՅԱՆՆԵՐ

Վրաստանում սկսվել է 20 մեգավատտ հզորությամբ «Քարթլի» հողմակայանի շինարարության առաջին փուլը:

«Քարթլին» առաջին հողմաէլեկտրակայանն է Վրաստանում, որը պետությունը կառուցում է սեփական միջոցներով, եւ որի ներդրումային արժեքը կազմում է 30 միլիոն ամերիկյան դոլար: Էներգետիկայի փոխնախարար Իլյա Էլոշվիլու հայտարարության համաձայն՝ կառուցմանը կնախորդի երկու փուլ. տուրքինների գնումը եւ տեղափոխումը, իսկ այնուհետեւ՝ դրանց մոնտաժումը:

«Կարելի է ասել, որ մենք անցել ենք շինարարության փուլին, ներդրողները շատ մեծ հետաքրքրություն են դրսևորում այս նախագծի նկատմամբ, բայց մենք սկզբունքորեն որոշել ենք ավարտին հասցնել նախագիծը եւ հանձնել շահագործման: Միայն դրանից հետո կկառնա՞վի այդ կայանը: Ես կարծում եմ, որ եթե Վրաստան մտնեն լավ ներդրողներ՝ շահագործված այս ոլորտով, կարելի կլինի յուրացնել 300-350 մեգավատտ քանակ էներգիա», - նշել է Էլոշվիլին:

ՖՈՒՏԲՈԼ

ՀՐԱՊՐԱԿՎԵՅ ՎԱՐԿԱՆԻՇՆՅՈՒՆ ՀԵՐԹԱԿԱՆ ԱՂՅՈՒՍԱԿԸ

ՈՐ ԳՐՈՒԶՈՆԱԿԱՆ ԵՆ ԶԲԱՐԵՑՆՈՒՄ ՎՐԱՍՏԱՆԻ ԵՎ ՀԱՅԱՍՏԱՆԻ ՀԱՎԱՔԱԿԱՆՆԵՐ

Ֆուտբոլի միջազգային ֆեդերացիան (ՖԻՖԱ) հրապարակել է ազգային հավաքականների վարկանիշային հերթական աղյուսակը:

Վրաստանի հավաքականը, ինչպես նախորդ աղյուսակում, 126-րդ տեղումն է, իսկ ինչ վերաբերում է Հայաստանի ազգային ընտրանուն, ապա այն առաջադիմելով 5 հորիզոնականով, համագրվանել է 74-րդ տեղում: Նախկին ԽՍՀՄ երկրներից լավագույնը Ուկրաինան է (27), հաջորդում է Ռուսաստանը (33), Ուզբեկստանը 71-րդն է: Ամենաբարձր առաջադիմությունը գրանցվել է Իրանի հավաքականի համար: Այն առաջադիմել է 10 հորիզոնականով եւ հիմա աղյուսակում 41-րդն է: Հինգ հորիզո-

նականով առաջադիմել է Մաեւ Ադրբեջանի թիմը (131-րդ տեղը), Թուրքիան զբաղեցնում է 52-րդ հորիզոնականը:

Վարկանիշային աղյուսակի առաջատարների շարքում փոփոխություն չկա: Աշխարհի չեմպիոն Գերմանիայի հավաքականը զբաղեցնում է առաջին հորիզոնականը, իսկ լավագույն տասնյակում ընդգրկվել են Մաեւ Արգենտինայի, Կոլումբիայի, Բելգիայի, Նիդերլանդների, Բրազիլիայի, Պորտուգալիայի, Ֆրանսիայի, Ուրուգվայի եւ Իսպանիայի հավաքականները:

ԱՏԵՓԱՆԾՄԻՆՂԱ - ԼԱՐՍԻ

ԱՎՏՈՋԱՆԱԴԱՐՇԸ ԲԱՅ Է

Ստեփանծմինդա-Լարսի ավտոճանապարհը փետրվարի 23-ից երկկողմանի բաց է բոլոր տեսակի տրանսպորտային միջոցների համար՝ անվաշղթաների կիրառման դեպքում: Այս մասին հայտնում են Վրաստանի ենթակառուցվածքների նախարարության ճանապարհային դեպարտամենտից:

	1	2		3		4		5		6	7		
8					9								
10				11						12			
				13		14		15					
			16					17	18		19		
20	21			22	23								
			24	25					26				27
28		29					30	31					
				32	33		34	35			36		
37							38						
				39				40		41			
42			43			44	45						
			46			47	48					49	
50		51							52			53	
		54		55			56		57			58	
				59	60				61				
62							63				64		
				65					66				

ԿԻՆՈՓԱՌԱՏՈՆ

ԶԱԶԱ ՈՒՐՈՒՇԱԶԵ. ««ՕՍԿԱՐԻՆ» ՀԱՎԱԿՆՈՐԳ ՀԻՆՉ ՖԻԼՄԵՐԻ ԹՎՈՒՄ ԸՆԴՊՐԿՎԵԼԸ ԱՐԴԵՆ ԻՍԿ ՀԱՅՈՂՈՒԹՅՈՒՆ Է»

«ՕՍԿԱՐԸ» ՇՐՋԱՆՑԵՑ ՄԵՐ «ՄԱՆՂԱՐԻՆԻՆ»

Ինչպես արդեն հաղորդել ենք, վրաց ռեժիսոր Զազա Ուրուշաձեի նկարահանած վրաց-էստոնական «Մանդարին» կինոնկարը հավակնում էր օտար լեզվով նկարահանված ֆիլմերի անվանակարգում, «Օսկարով» պարգևատրման:

Այդ անվանակարգում գերակայությունը տրվեց լեւի կինոռեժիսոր Պավել Պավլիկովսկու «Իդային»։ Կինոփառատոնի գլխավոր պարգեւը, «Տարվա լավագույն կինոնկարի» անվանակարգում հանձնվեց մեքսիկացի կինոռեժիսոր Ալեխանդրո Գանսալես Ինյարուտի «Բրեդենին»։

Ինչպես նշեց Զազա Ուրուշաձեն, «Օսկարին» հավակնող հինգ ֆիլմերում ընդգրկվելն արդեն իսկ հաջողություն է։ «Միակ ֆիլմը, որն ընդունվեց հոտնկայս ծափահարություններով դա «Մանդարին» էր։ Ընդ որում, ծափահարեցին երկու անգամ», - հայտարարեց:


րեց Զազա Ուրուշաձեն։ Ռեժիսորի խոսքերով, պրոդյուսերական ընկերություններից ֆիլմի հեղինակներին արդեն առաջարկություններ են արվում։

Հիշեցնենք, որ վրաց-էստոնական «Մանդարին» կինոնկարը 2013-2014 թվականներին միջազգային տարբեր կինոփառատոներին արժանացել էր 15 պարգևի, իսկ ռեժիսորը պարգևատրվել էր Պատվո շքանշանով:



ՀՐԲԵԼՅԱՆ

ՓՈԼԱԴ ԲՅՈՒԼ ԲՅՈՒԼ ՕԴԼՈՒ ՀՐԲԵԼՅԱՆԸ ԹԲԻԼԻՍԻՈՒՄ



Թբիլիսիի Ջանսուր Կախիձեի անվան երաժշտական-մշակութային կենտրոնում անցկացվեց համերգ-երեկո՝ նվիրված ճանաչված երգիչ, երգահան, դերասան Փոլադ Բյուլ Բյուլ օղլու ծննդյան 70-ամյակին:

Հրեյյանական միջոցառման շրջանակներում փետրվարի 20-ին Թբիլիսիում բացվեց Փոլադ Բյուլ Բյուլ օղլու հոր՝ արդերջանցի ճանաչված երգիչ Մուրթուզ Մամեդովի կիսանդրին:

Ինչպես նշեց հրեյյարը, Վրաստանն իր երկրորդ հայրենիքն է։ «Մայրական տատս վրացուի է՝ Քեթեան Վեգերիշվիլին։ Նա ծա-


գումով Ախմետայի շրջանից էր, իսկ մայրս՝ Ադելա խանումը ծնվել եւ մեծացել էր Թբիլիսիում, որտեղ եւ ծանոթացել հորս՝ Մուրթուզ Մամեդովի հետ», - հորեյյանին նշեց Փոլադ Բյուլ Բյուլ օղլին:

Համերգ-երեկոյին, որին մասնակցում էր նաեւ հրեյյանի թոռը՝ 13-ամյա Մուրթուզ Բյուլ Բյուլ օղլին, անցկացվեց Փոլադ Բյուլ Բյուլ օղլուն նվիրված երկլեզու գրքի շնորհանդեսը:

«Վրաստան» թերթի խմբագրությունը խորապես վշտակցում է Սերգեյ Դարբինյանին, սիրելի եղբոր՝

Ժորա Տիգրանի ԴԱՐԲԻՆՅԱՆԻ


մահվան կապակցությամբ եւ ցավակցություն հայտնում հանգուցյալի ընտանիքին եւ հարազատներին:



Թբիլիսիի թիվ 104 հանրային դպրոցի մանկավարժական կոլեկտիվը խոր վշտով հայտնում է, որ կյանքի 90-րդ տարում վախճանվել է կրթօջախի տնօրենի տնտեսական հարցերով նախկին բազմամյա փոխտեղակալ՝

Վելիխան Միսակի ՀԱԿՈՐՅԱՆԸ

եւ ցավակցություն հայտնում հանգուցյալի ընտանիքին եւ հարազատներից:



Խ Ա Չ Բ Ա Ռ

ՀՈՐԻԶՈՆԱԿԱՆ

1.Թբիլիսիայի դրամատուրգ Գ.Սունդուկյանի «Պեպո» պիեսի հերոսներին տանջող թուղթը: 6.Սահմանային գետ Ռուսաստանում: 9.Հայկական էպոսի հերոսների ծննդավայր «հայրենիքը»: 10.«...ը լեռներում» խորհրդային ֆիլմ: 12.Երաժշտական հարվածային գործիք: 13.Պահապան, նեցուկ, սատար: 17.Խթան, ազդող: 20.Պայծառ աստղ: 22.Ալկոհոլային խմիչք: 24.«Բարձր»-ի հակամիջը: 26.Հրաշքների աշխարհի աղջիկը: 28.Քաղաք Հայաստանում: 30.Թբիլիսիի հուշիվանքում թաղված Նար-Դոսի «Ես եմ...» վիպակը: 32. ... ու շիտակ: 35.Կամ, կաս, ...: 36.Վրացուի ու աճում: 37.Իրանի բնակիչ: 38.Հայաստանի մայրաքաղաքներից: 39.Լիճ պատմական Հայաստանում: 40.Սիրտ, հոգի չունեցող: 42.Ավտոբուսի, ինքնաթիռի ...: 44.Հոգեմակիակերտ մասնիկ հայերենում: 46.Ապրանքի հատկանիշ: 48.Նկարչի ստեղծածը: 50.Հարկ, տուրք: 52. ..., ուզես, ուզի: 54.Ոստիկանի գրածը: 56.Ծխի, փոշու եւ ջրի կուտակում մթնոլորտում: 58.Մետրոպոլիտանային աշխարհի տառ: 59.Քարտեզների հավաքածու: 61. ... Բրաուն: 62.Նախնա ...: 63. ... Լաշեզ (Փարիզ):

րիզ): 64.3, 14-ին համապատասխանող տառը: 65.Պետություն Ասիայում: 66.Արական, տղամարդու անուն: **ՈՐԴՈՆԱԿԱՆ**. 2.Իվան ...: 3.Ոչ ամուսնացած: 4. ... ու համերաշխ: 5.Ապրտային ֆիրմա: 7.Գործվածքի տեսակ: 8.Շատ ...: 11. ... խաղալիք: 14.Մթերք, սնունդ: 15.Նատաշան մտերմիկ շրջանում: 16.Համադասական շաղկապ: 18.Ֆրանսիացի գրող Էմիլ ...: 19.Ցուցական դերանուն: 21.«... տեսա, հաղթեցի» (Կեսար): 23.Նստվածք, դիրտ: 25.Բազմաթիվ, շատ: 27.Ինքնավար Հանրապետություն Վրաստանում: 28. ... ես ծեր եմ, բայց ոչ զառամյալ: 29.Չափում են վոլտերով: 31.Արձակ ստեղծագործություն: 33.Ինքնաբերաբար, բնագործ: 34.Ազգ Վրաստանում: 41.Կենդանու գլխի հարված: 43.Գեթ, միայն: 45.Զինվորական աստիճան: 47. ... Մարքս: 49.Մազ, վարս: 50.Հայկական կոնյակ: 51.Շաքարի համը: 53.Եվրոպացու եւ հնդկացու խառնուրդը: 55.Հրասայլ: 57.Քաղաք Ռուսաստանում: 60. ... Կլարեթի: 64.Էդգար Ալան ...:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԳ ՀԱՄԱՐԻ ԽԱԶԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ

7.Ցետյուտ: 9.Ամանե: 10.Հողմ: 11.Լիմոնադ: 13.Ամիգո: 16.Բավ: 17.Կեն: 19.Ջեռակ: 22.Ցուցող: 24.Տոլեդո: 25.Շոգի: 27.Թելատու: 29.Չավեշտ: 32.Գրետա: 33.Նիկոլո: 35.Սեյֆ: 38.Սով: 40.Գորկի: 41.Գլակ: 44.Էմին: 47.Ռիո: 48.Սուտի: 50.Ուտելի: 51.Ջրո: 52.Եք: 53.Գեդ: 54.Կիա: 55.Ռելս:

ՈՐԴՈՆԱԿԱՆ

1.Դեկը: 2.Մտքով: 3.Կոհակ: 4.Լամա: 5.Չափ: 6.Շերտ: 8.Տոդես: 12.Մարց: 14.Մթել: 15.Գրադ: 18.Ծղոտ: 19.Ջոկատ: 20.Ռելե: 21.Կոլտ: 23.Ուշակով: 26.Գուգո: 28.Եֆիմ: 29.Ջելո: 30.Վաստ: 31.Շեյկ: 34.Կոմիտե: 36.Երկու: 37.Ֆինիքս: 39.Թաի: 42.Լոկի: 43.Կոգա: 45.Սուգ: 46.Նեդ: 48.Սոռ: 49.Տել:

**Խմբագիր՝
ՎԱՆ ԲԱՅԲՈՒՐԹՅԱՆ**

**Մեր հասցեն՝ Թբիլիսի 0105
Գ.Աթոնելի փ. 5 Հեռ. 2990-739, 2990-774
www.vrastan.ge
E-mail: vrastan@caucasus.net**

**Գրանցման վկայական
№ 4 4 - 1439
«ԿՈԼՈՐ» հրատարակչություն**

**“ВРАСТАН”
Тбилиси, Грузия
«VRASTAN»
Georgia, Tbilisi
Индекс 66445**